



«EDUS» «EDUKACIJA ZA SVE» Udruženje za unapređenje obrazovanja i podrške djeci sa i bez poteškoća u razvoju  
«EDUS» «EDUKACIJA ZA SVE»  
Udruga za unaprijeđenje obrazovanja i potpore djeci sa i bez poteškoća u razvitku  
«ЕДУС» «ЕДУКАЦИЈА ЗА СВЕ»  
Удружење за унапређење образовања и подршке дјечи са и без потешкоћа у развоју  
«EDUS» «EDUCATION FOR ALL»  
Association for advancement of education and support for children with and without developmental delays

Mjedenica 34, 71000 Sarajevo, [edus.bh@cmaj.com](mailto:edus.bh@cmaj.com), tel. 062335045, [www.edusbih.org](http://www.edusbih.org)

## OBAVIJEST ZA MEDIJE

Sarajevo, 10.08.2016.

### POPRAVKA JEDNOG ZUBA DJETETU SA POTEŠKOĆAMA U KANTONU SARAJEVO KOŠTA MINIMALNO 600KM!!!

#### Diskriminacija u pružanju stomatoloških usluga djeci sa poteškoćama

U Kantonu Sarajevo ni dan-danas nije riješen problem pružanja stomatoloških usluga za oko 2500 djece s poteškoćama kod kojih postoji potreba za posebnom uslugom.

Procedura navedene usluge se sastoji od laboratorijskih pretraga, opće anestezije i sanacije zuba, što sveukupno zahtijeva mnogo veću angažovanost i odgovornost medicinskog osoblja u odnosu na standardne stomatološke zahvate.

Zbog nepostojanja sistemskog rješenja, navedene usluge u privatnim klinikama roditelje koštaju minimalno 600 KM. Većina roditelja djece sa poteškoćama to ne mogu priuštiti te su brojna djeca s poteškoćama prepuštena trajnoj agoniji u slučaju zubobolje. Nedostatak potrebnih usluga je utoliko bolniji jer su potrebe za stomatološkim zahvatima, zbog otežanog održavanja oralne higijene mnogo veće u odnosu na djecu tipičnog razvoja.

U postojećem Zakonu o stomatološkoj djelatnosti djeca sa poteškoćama se i ne spominju, što je diskriminirajuće.

Tokom posjete ministrice zdravstva KS gđe Zilhe Ademaj 10.02.2016. Zavodu Mjedenica kojeg pohađaju djeca sa poteškoćama, izjavila je da: "Pitanje stomatološke zaštite i osiguranja dostupnosti ove usluge za djecu s poteškoćama u razvoju ovo Ministarstvo rješava u saradnji sa Stomatološkim fakultetom u naredna 24 sata".

Nažalost, ni u toku naredne 24 sedmice, tj. gotovo pola godine, problem nije riješen, nego su roditelji od resorne ministrice gđe Ademaj mogli čuti samo prazna obećanja i prebacivanje odgovornosti na Stomatološki fakultet, a vezano za kadrovsku i finansijsku (ne)osposobljenost stomatološke ambulante za ovu namjenu, bez konkretnih rezultata kojim bi se otklonila agonija djece s poteškoćama i njihovih roditelja.



«EDUS» «EDUKACIJA ZA SVE» Udruženje za unapređenje obrazovanja i podrške djeci sa i bez poteškoća u razvoju  
«EDUS» «EDUKACIJA ZA SVE»  
Udruga za unaprijeđenje obrazovanja i potpore djeci sa i bez poteškoća u razvitku  
«ЕДУС» «ЕДУКАЦИЈА ЗА СВЕ»  
Удружење за унапређење образовања и подршке дјечи са и без потешкоћа у развоју  
«EDUS» «EDUCATION FOR ALL»  
Association for advancement of education and support for children with and without developmental delays

Stoga Savjet roditelja EDUS-a, organizacije koja svakodnevno omogućava napredno obrazovanje više od 100 djece sa poteškoćama, traži od Ministarstva zdravstva i Vlade Kantona Sarajevo:

- **Hitnu odluku za nadoknadu cjelokupnih troškova stomatoloških usluga djeci sa poteškoćama u privatnim klinikama**
- **U svrhu sistemskog rješenja, predlažemo donošenje Pravilnika o stomatološkim uslugama djeci sa poteškoćama i osnivanja Centra za stomatološke usluge navedenoj djeci u sklopu Stomatološkog fakulteta u Sarajevu, jer prema postojećoj legislativi Kanton Sarajevo može donijeti posebne programe zdravstvene zaštite za pojedine kategorije stanovništva.**

**Generalni sekretar EDUS-a:**

**Sanela Lindsay**

**Radna grupa Savjeta roditelja EDUS-a:**

**Admir Čeljo, predsjednik Savjeta**

**Aida Hrnjić, član**

**Elma Kurtanović, član**

**Medina Hajdić, član**

**EDUS-Edukacija za sve** od 2010. aktivno radi na unaprijeđenju obrazovanja i podrške djeci sa i bez poteškoća u razvoju, prije svega za djecu sa težim razvojnim poremećajima kao što su autizam i autistični spektar, intelektualne teškoće, Downov sindrom, emocionalni i bihevioralni poremećaji i kombinovane smetnje. EDUS omogućava djeci uključenoj u svoje programe da razviju puni potencijal, roditeljima da nauče kako i sami da rade s djetetom, a stručnjacima da kroz direktan rad s djecom ovladaju naprednom naučnom metodologijom preuzetom sa vodećeg univerziteta u svijetu u ovoj oblasti- Univerziteta Columbia u Njujorku. Dosad je kroz EDUS-ov program prošlo više stotina djece, iz BiH te zemalja regiona i svijeta, a njih više od 30 uspješno je uključeno u redovno školovanje. EDUS je začetnik servisa rane intervencije u našoj zemlji i regionu, autor validiranih instrumenata za procjenu razvoja i izradu individualnih razvojnih programa za djecu, te autor brojnih kulturnih aktivnosti i akcija kojim se javnosti podiže svjesnost o autizmu.